

## **Конда́к 1.**

Избра́нная Ду́хом Бо́жиим от пелён младéнческих, блаже́нная ста́рице Матро́но, слепоту́ и немо́щь телéсную ко очище́нию духо́вному от Бо́га прия́вшая, да́ром прозрéния и чуде́с обогати́лася еси́ и венце́м нетле́нным от Го́спода украси́лася еси́. Сего́ ра́ди и мы́ благодарне́ венец похва́льный прино́сим ти́, вопи́юще:

Ра́дуйся, пра́ведная ма́ти Матро́но, тёплая о нас к Бо́гу моли́твеннице.

## **И́кос 1.**

А́нгел во плóти яви́лася еси́ на земли́, Матро́но блаже́нная, исполня́ющи во́лю Бо́жию. А́ще рождество́ твоё в слепоте́ телéсней бы́сть, но Госпо́дь, умудря́й слепцы́ и любя́й пра́ведныя, просвети́ духо́внии о́чи твои́, да послужи́ши лю́дем и дела́ Бо́жия явля́тся чрез тебе́. Мы́ же с любóвию вопи́ем ти́ такова́я:

Ра́дуйся, от младéнчества Бо́гом избра́нная; ра́дуйся, благода́тию Ду́ха Свята́го от пелён осенéнная.

Ра́дуйся, да́ром чуде́с измла́да обогащё́нная; ра́дуйся, премудростию от Бо́га свы́ше исполнённая.

Ра́дуйся, мы́сленныма очима́ во́лю Бо́жию прозира́ющая; ра́дуйся, слепóтствующи́х умóм мудрецо́в ве́ка сего́ посрамля́ющая.

Ра́дуйся, ду́ши заблуждши́я к Бо́гу приводя́щая; ра́дуйся, ско́рби и печа́ли утоля́ющая.

Ра́дуйся, пра́ведная ма́ти Матро́но, тёплая о нас к Бо́гу моли́твеннице.

## **Конда́к 2.**

Ви́дяще лю́дие и иере́й, егда́ крещáше тя, блаже́нная, чу́дный сто́лп о́блачный над главо́ю твоёю и обоня́вше благоухáние

вѣлие, дивляхуся, что́ убо сѧ отрокови́ца бѹдет, пою́ще Бѹгу:  
Аллилу́иа.

### **Їкос 2.**

Ра́зум имѣя просвѣщенны́й, иерей Бѹжий Васи́лий позна́, яко крещáемая от него́ сосѹд благодáти Бѹжия е́сть, и тѧ, прáведная Матрѹно, отрокови́цу святу нарече́. От нáшего же усѣрдия прино́сим тѧ похвалы́ сѧ:

Ра́дуйся, во святѣй купѣли благодáтию Свята́го Дѹха благоухáнная; ра́дуйся, на пѣрсах твоѣх крѣст запечатлѣнный имѣвшая.

Ра́дуйся, молѣтвеннице, от Бѹга лю́дем даровáнная; ра́дуйся, свещѣ неугасѣмая, пред Гѹсподем сия́ющая.

Ра́дуйся, даром чудотворѣния от Бѹга прослáвленная на земли́; ра́дуйся, венцем неувядáемым от Гѹспода увенчáнная на Небесѣх.

Ра́дуйся, мѣлости Бѹжия грѣшным возвещáющая; ра́дуйся, от истѹчника воды́ живы́я жáждущия напáяющая.

Ра́дуйся, прáведная мáти Матрѹно, тѣплая о нáс к Бѹгу молѣтвеннице.

### **Конда́к 3.**

Си́лу Бѹжия благодáти ошущáющи, ещѣ во младѣнчествѣ сѹщи, Матрѹно блажен́ная, ко ико́нам святы́м устремля́лася еси́ и чѣстым сѣрдцем и младѣнческими усты́ хвалѹ Бѹгу возглашáла еси́: Аллилу́иа.

### **Їкос 3.**

Имѹщи от Бѹга дар прозрѣния издѣтска, блажен́ная мáти, сокровѣнная сѣрдѣц приходя́щих к тебѣ вѣдущи и ѹным бѹдущая, яко настоя́щая, сказѹющи, мно́гия лю́ди на пѹть благочѣстия направля́ла еси́. Тѣмже прославля́юще Бѹга, умудря́ющаго слепцы́, вопиѣм тебѣ сѣце:

Ра́дуйся, дѣвнѧ прѡвѣдице; ра́дуйся, сокровѣнных грехѡв обличѣтельнице.

Ра́дуйся, помрачѣнных душѣю пресвѣтлая настѧвнице; ра́дуйся, заблуждших мѣлостивѧ путево́дѣтельнице.

Ра́дуйся, звездѡ, вѣрным пу́ть указу́ющѧ; ра́дуйся, свещѣ, во тьмѣ вѣка сегѡ светѧющѧ.

Ра́дуйся, е́диному Бо́гу послужѣвшѧ; ра́дуйся, ко́зни дя́вольскѧ благода́тию Ду́ха Свята́го попра́вшѧ.

Ра́дуйся, пра́ведная ма́ти Матро́но, те́плѧ о нас к Бо́гу моли́твеннице.

#### **Конда́к 4.**

Бу́ря недоуме́нѧ и смяте́нѧ о чудесе́х твоѣх в лю́дех развѣяся, ма́ти блаже́нная, и ти́и, вразумѣвшу ѡ́х Го́споду, дѣвному во святѣх Своѣх, просла́виша и восхвали́ша тя, Бо́гу же с благодарѣнием воспѣша: Аллилу́иѧ.

#### **Ўкос 4.**

Слы́шавше лю́дие, ма́ти Матро́но, ѧко по́мощь в недѡзех душе́вных и телѣсных пода́еши, прихожда́ху к тебѣ со упѡвѧнием и, советъ благоприя́тен и исцелѣние получи́вшѧ, благодарѧще Бо́га, воспѣва́ху тебѣ:

Ра́дуйся, ѧко болѣзнующих и стра́ждущих душѣю приѣмлеши; ра́дуйся, ѧко мѣр душѧм скорбѧщим да́руеши.

Ра́дуйся, в заблужде́нѧх су́щих вразумѣтельнице; ра́дуйся, благочѣстѧ учѣтельнице.

Ра́дуйся, печале́й на́ших утолѣтельнице; ра́дуйся, в ско́рбех утѣшительнице.

Ра́дуйся, благо́ѧ безсребренице; ра́дуйся, недѡгов всѧческѧх безме́здная врачевѧтельнице.

Ра́дуйся, пра́ведная ма́ти Матро́но, те́плѧ о нас к Бо́гу моли́твеннице.

### **Конда́к 5.**

Боготéчная звезда́ возсия́ла еси́, ма́ти блаже́нная Матро́но, во дни́ лихолéтия во Отéчествии на́шем, я́ко но́вая испове́дница, я́го Христо́во дерзнове́нно и безбо́язненно чрез все́ жити́е пронесла́ еси́ и, благода́тию Бо́жиею укрепля́ема, подава́ла еси́ недоумева́ющим вразумле́ние, стра́ждущим осла́бу, больны́м исцеле́ние, благода́рственно зову́щим Бо́гу: Аллилу́иа.

### **И́кос 5.**

Ви́девше мно́зи Росси́йстии лю́дие чудеса́ и исцеле́ния, Бо́жиею благода́тию от тебе́ подава́емая: хромы́м хождéние, осла́бленным и на одре́ лежа́щим исцеле́ние, бесну́ющимся духо́в злóбы отгна́ние, устреми́шася к тебе́, ма́ти, я́ко к исто́чнику неисчерпа́емому, от него́же испи́вше обильно́, умилéнным се́рдцем возопи́ша тебе́ такова́я:

Ра́дуйся, на пу́ть пра́вый от младе́нчества призва́нная; ра́дуйся, пра́веднице, от Бо́га на́м дарова́нная.

Ра́дуйся, цели́тельнице, недúги на́ша исцеля́ющая; ра́дуйся, в ну́ждах на́ших ско́ро помога́ющая.

Ра́дуйся, душеполе́зными сове́ты на́с вразумля́ющая; ра́дуйся, недоуме́ния на́ша ско́ро разреша́ющая.

Ра́дуйся, дýхи нечи́стыя от челове́к отгоня́ющая; ра́дуйся, от вся́каго зла́ моли́твою твоёю огражда́ющая.

Ра́дуйся, пра́ведная ма́ти Матро́но, тёплая о на́с к Бо́гу моли́твеннице.

### **Конда́к 6.**

Провозвёстник свя́тости и пра́ведности жити́я твоего́, блаже́нная ма́ти, яви́ся святи́й и пра́ведный оте́ц Иоáнн Кроншта́дтский, егда́ узре́ ты во хра́ме и наименова́ ты свою́ преёмницу, та́же и осмы́й сто́лп Росси́и. Все́ же, слы́шавше

сие, прославиша Господа, возглашающе Ему пѣснь:  
Аллилуиа.

### **Икос 6.**

Восия моли́твами твои́ми, ма́ти Матро́но, свѣт благодати  
Бо́жия в сердца́х не ве́дущих Бо́га и грехми́ мно́гими  
прогневлѣющих Его́. Ти́и же, ви́дяще чудеса́, тобо́ю  
соверша́емая, обраща́хуся ко Господу, ублажа́юще тя́ си́це:

Ра́дуйся, по́двиги твои́ми Бо́га прославля́ющая; ра́дуйся,  
сла́ву Бо́жию на́м явля́ющая.

Ра́дуйся, неве́рныя на пу́ть пра́вый наставля́ющая;  
ра́дуйся, грехми́ оскверне́нныя моли́твами твои́ми  
очища́ющая.

Ра́дуйся, к покая́нию на́с призыва́ющая; ра́дуйся, за вся́  
благодарити́ Господа на́с вразумля́ющая.

Ра́дуйся, хра́м Бо́жий любити́ на́с науча́ющая; ра́дуйся,  
во огра́ду церко́вную расточе́нныя о́вцы собира́ющая.

Ра́дуйся, пра́ведная ма́ти Матро́но, те́плая о на́с к Бо́гу  
моли́твеннице.

### **Конда́к 7.**

Хотя́щи Пресвяту́ю Влады́чицу на́шу Богоро́дицу досто́йно  
ублажи́ти, ма́ти Матро́но, повеле́ла еси́ лю́дем написа́ти  
всечестна́й о́браз Ея́, Взыска́ние поги́бших имену́емый, и в  
хра́ме Бо́жием ве́си твоея́ водвори́ти, да вси́, взира́юще на  
свѣтлый ли́к Пречи́стыя, со умилѣнием восхва́лят Ю́,  
Господу́ же возопи́ют: Аллилуиа.

### **Икос 7.**

Но́вую тя́ заступни́цу, моли́твенницу и ходатаи́цу к Бо́гу  
дарова́ Господь в годи́ну тяжкую лю́дем Росси́йским, мно́зи  
бо отпа́даху от Святы́я Це́ркве, ты́ же, ма́ти, малове́рныя и  
заблуждши́я наставля́ла еси́ сло́вом и де́лом, явля́ющи  
дивная́ чудеса́ Бо́жия. Те́мже воспева́ем ти́ си́це:

Рáдуйся, страны́ наша́я Росси́йския неусы́пная печáльнице; рáдуйся, спасéния нашeго ходáтаице.

Рáдуйся, Бóга, Судии́ прáведнаго, умилоствительнице; рáдуйся, недужных и обидимых покровительнице.

Рáдуйся, немощных и безнадежных помощнице; рáдуйся, протíву духóв злóбы непрестáнная воительнице.

Рáдуйся, я́ко трепещут ты́ князи бесóвстии; рáдуйся, я́ко рáдуются о тебé А́нгели и челове́цы.

Рáдуйся, прáведная ма́ти Матро́но, тёплая о нас к Бóгу моли́твеннице.

### **Конда́к 8.**

Стра́нно малове́рным и неразу́мным бы́сть, ка́ко слeпорождéнная вíдети и ве́дети мо́жет не то́чию настоя́щая, но и бу́дущая, не ве́дяху бо си́лы Бóжия, в не́мощи челове́честей соверша́емья. Мы́ же, блаже́нная ма́ти, премúдрость Бóжию, в тебé явлéнную, зря́ще, вопи́ем Бóгу: Аллилу́иа.

### **И́кос 8.**

Вся́ческия досаждéния и обиды́, изгна́ния и укорéния претерпéла еси́, блаже́нная ма́ти, не се́тующи о се́м, но за вся́ благодаря́щи Бóга. Си́м же и нас науча́еши терпели́вно нести́ крэ́ст сво́й, тебé же благохвалíti та́ко:

Рáдуйся, в моли́тве непрестáнно пребы́вавшая; рáдуйся, духóв злóбы постóм и моли́твою отгна́вшая.

Рáдуйся, ми́р благодáтный стяжа́вшая; рáдуйся, любóвию твоёю мно́гия о́крест тебé спаса́вшая.

Рáдуйся, жити́ем твои́м изря́дно лю́дем послужи́вшая; рáдуйся, и по кончи́не твоёй лю́дем непрестáнно помога́ющая.

Ра́дуйся, и ны́не на́шим проше́нием те́пле внима́ющая;  
ра́дуйся, упова́ющих на по́мощь твою́ не оставя́ющая.

Ра́дуйся, пра́ведная ма́ти Матро́но, те́плая о нас к Бо́гу  
моли́твеннице.

### **Конда́к 9.**

Вся́кия ско́рби и боле́зни а́ще и претерпе́ла еси́, ма́ти  
Матро́но, непреста́нно веду́щи бра́нь с си́лами тьмы́,  
облича́ющи ко́зни и кова́рства их и изгоня́ющи бе́сы от  
одержи́мых, о́баче до кончи́ны днй твои́х помога́ла еси́  
стра́ждущим, недугу́ющим и скорбя́щим, при́сно пою́щи  
Бо́гу: Аллилу́иа.

### **И́кос 9.**

Вети́и многовеща́ннии не возмо́гут досто́йно просла́вити  
свято́е жити́е твоё и чудеса́, си́лою Бо́жиею тобо́ю творима́я,  
предивная ста́рице. Мы́ же, хотя́ще псаломски хвали́ти Бо́га  
во святы́х Его́ и подвиза́емии сердечною любо́вию, дерза́ем  
пе́ти тебе́ такова́я:

Ра́дуйся, у́зкий пу́ть и те́сная врата́ избра́вшая; ра́дуйся,  
добродете́льми мно́гими просия́вшая.

Ра́дуйся, вся́ тле́нная в жити́и твоём отвёргшая; ра́дуйся,  
смирением, я́ко венце́м драги́м, украше́нная.

Ра́дуйся, ева́нгельски, я́ко пти́ца небесная, на земли́  
пожи́вшая; ра́дуйся, Сы́ну Бо́жию, не имевшему, гд́е главу́  
подклони́ти, последова́вшая.

Ра́дуйся, ны́не во оби́телях ра́йских веселя́щаяся;  
ра́дуйся, и нас грешных, моля́щихся тебе́, ми́лостию твоёю  
не оставя́ющая.

Ра́дуйся, пра́ведная ма́ти Матро́но, те́плая о нас к Бо́гу  
моли́твеннице.

### **Конда́к 10.**

Спасти́ хотя́щи мно́гия лю́ди от страда́ний телесных и душе́вных недуг, всенóчно пребыва́ла еси́, пра́веднице Бо́жия, в моли́тве, прося́щи їм по́мощи и укрепле́ния от Го́спода на́шего Иису́са Христа́, пою́щи Ему́: Аллилу́иа.

### **Їкос 10.**

Стена́ и покрóв была́ еси́ во дни́ жити́я твоего́, блаже́нная ма́ти, все́м к тебе́ прибега́ющим, и по сме́рти не престае́ши ходата́йствовати пред Бо́гом о лю́дех, с ве́рою притека́ющих ко грóбу твоему́. Те́мже ўбо услы́ши ны́не и на́с, грешных, скорбьми́, боле́знями и мно́гими печа́лями одержи́мых, и потщи́ся на по́мощь твои́ми моли́твами все́м к тебе́ вопи́ющим:

Ра́дуйся, оби́димых ско́рая предста́тельница; ра́дуйся, терпе́щих лишёния утёшительнице.

Ра́дуйся, честна́го супру́жества охране́ние; ра́дуйся, все́х во вражде́ сущих умире́ние.

Ра́дуйся, непра́во на су́д влеко́мых защи́тительнице; ра́дуйся, и о вино́вных пред судо́м земны́м к Бо́гу ми́лостивая ходата́ице.

Ра́дуйся, лиш́ившихся кро́ва пристани́ще; ра́дуйся, все́х к тебе́ взыва́ющих засту́пнице.

Ра́дуйся, пра́ведная ма́ти Матро́но, тёплая о на́с к Бо́гу моли́твеннице.

### **Конда́к 11.**

Пе́ние а́нгельское слы́шала еси́, ма́ти честна́я Матро́но, ещё́ на землі живу́щи. Научи́ и на́с, недостóйных, ка́ко подоба́ет сла́вити Бо́га, в Тро́ице почита́емаго, Отца́ и Сы́на и Свята́го Ду́ха, Ему́же непреста́нно вои́нства небе́сная велегла́сно воспева́ют: Аллилу́иа.

### **Їкос 11.**



Светозáрным свѣтом сияет житиѣ твоѣ, блаженна́я Матро́но, освещая́ мрак многосúетнаго мíра сегó, и влечёт к себѣ ду́ши на́ша, я́ко да и мы́ луче́ю благода́ти Бо́жия озари́мся и ско́рбный пу́ть привре́менныя жи́зни богоуго́дно про́йдем и Ца́рствия Бо́жия дости́гнем, иде́же ты́, ма́ти, ны́не всели́лася еси́, слы́шащи гла́с на́ш, тебѣ зову́щих:

Ра́дуйся, свещѣ́ Бо́жия, прíсно горя́щая; ра́дуйся, бисере́ честный, блиста́нием святы́ни твоея́ нас озаря́й.

Ра́дуйся, цвѣте́ благово́нный, Ду́хом Святы́м нас благоуха́й; ра́дуйся, ка́меню ве́ры, малоду́шныя в благоче́стии утвержда́й.

Ра́дуйся, звездó пресвѣ́тлая, пра́вый пу́ть нам указу́ющая; ра́дуйся, до́брая воительнице́ Христо́ва, мечѣм моли́твы дѣмонския́ полки́ устраша́ющая.

Ра́дуйся, я́ко всё житиѣ́ твоѣ́ свято́ и непоро́чно; ра́дуйся, я́ко и сме́рть твоя́ пред Го́сподем честна́.

Ра́дуйся, пра́ведная ма́ти Матро́но, тёплая о нас к Бо́гу моли́твеннице́.

### **Конда́к 12.**

Благода́ть Бо́жию обильно́ ещё́ от пелѣн восприя́ла еси́, ма́ти блаженна́я, я́же вѣ́ну пребы́сть с тобо́ю по вся́ дни́ жи́зни. Ве́руем несумне́нно, я́ко и по успѣ́нии твоѣ́м благода́ть сия́ пребога́тно пребыва́ет с тобо́ю. Сегó́ ра́ди припада́юще мо́лимся: не лиш́и и нас, ещё́ страна́ствующих на земли́, по́мощи твоея́ и заступле́ния, прося́щи Го́спода поми́ловати все́х пою́щих Ему́: Аллилу́иа.

### **И́кос 12.**

Пою́ще мно́гая и дивна́я твоя́ чудеса́, ма́ти Матро́но, восхваля́ем Бо́га, дарова́вшаго гра́ду Москвѣ́ и Оте́честву на́шему во дни́ безбо́жия и гонѣ́ния тя́, непоколеби́мый сто́лп

благочестия и веры. Ныне же, блаженная матери, благодарным сердцем воспеваем тебе сие:

Радуйся, мир Христов в душе твоей стяжавшая; радуйся, сего ради многия люди окрест тебе к Богу приведшая.

Радуйся, в немощном теле сущи, силу Божия благодати показавшая; радуйся, во обретении честных мощей твоих Божию милость нам явившая.

Радуйся, сонма святых Московских изрядное процветение; радуйся, града Москвы преславное украшение.

Радуйся, Отечества нашего присная пред Богом печальнице; радуйся, к покаянию и молитве о земли Российской всех призывающая.

Радуйся, праведная матери Матроно, теплая о нас к Богу молитвеннице.

### **Кондак 13.**

Облаженная матери, услыши ныне воспеваемое тебе хвалённое пение и испроси нам у Господа Иисуса Христа грехов оставление, христианския мирныя кончины и добраго ответа на Страшнем Судищи Его, да и мы с тобою сподобимся в селениях райских славити Святую Троицу, вопиюще: Аллилуиа.

*Этот кондак читается трижды, затем икос 1-й и кондак 1-й.*

### **Икос 1.**

Ангел во плоти явилася еси на земли, Матроно блаженная, исполняющи волю Божию. Аще рождество твое в слепоте телесней бысть, но Господь, умудряяй слепцы и любяй праведныя, просвети духовнии очи твои, да послужиши людем и дела Божия явятся чрез тебе. Мы же с любовью вопиём ти таковая:

Ра́дуйся, от младе́нчества Бо́гом избра́нная; ра́дуйся, благода́тию Ду́ха Свята́го от пелён осенённая.

Ра́дуйся, да́ром чуде́с измла́да обогащённая; ра́дуйся, премудростию от Бо́га свѣ́ше исполненная.

Ра́дуйся, мы́сленныма очѣ́ма во́лю Бо́жию прозира́ющая; ра́дуйся, слепотствующи́х умо́м мудрецо́в ве́ка се́го посрамля́ющая.

Ра́дуйся, ду́ши заблуждши́я к Бо́гу приводя́щая; ра́дуйся, ско́рби и печа́ли утоля́ющая.

Ра́дуйся, пра́ведная ма́ти Матро́но, тёплая о нас к Бо́гу моли́твеннице.

### **Конда́к 1.**

Изра́нная Ду́хом Бо́жиим от пелён младе́нческих, блаже́нная ста́рице Матро́но, слепоту́ и немо́щь телесную ко очище́нию духо́вному от Бо́га прия́вшая, да́ром прозре́ния и чуде́с обогати́лася еси́ и венце́м нетле́нным от Го́спода украси́лася еси́. Се́го ра́ди и мы́ благодарне́ венце́ похва́льный прино́сим ти́, вопи́юще:

Ра́дуйся, пра́ведная ма́ти Матро́но, тёплая о нас к Бо́гу моли́твеннице.

### **Моли́тва.**

Облаже́нная ма́ти Матро́но, душе́ю на Небеси́ пред Престо́лом Бо́жиим предстоя́щая, те́лом же на земли́ почива́ющая и да́нною ти́ свѣ́ше благода́тию различная́ чудеса́ источа́ющая! При́зри ны́не ми́лостивным твои́м о́ком на ны́, грешны́я, в ско́рбех, болезне́х и бесо́вских искуше́ниих дни́ своѣ́ иждива́ющая, утѣ́ши ны́, отча́яанны́я, исцели́ недуги́ наша́ лю́тыя, от Бо́га нам по грехо́м нашимъ попу́щае́мая, изба́ви нас от мно́гих бе́д и обстоя́ний, умоли́ Го́спода нашего́ Иису́са Христа́ прости́ти нам вся́ наша́ согреше́ния, беззако́ния и грехопадѣ́ния, и́миже мы́ от

юности на́шея да́же до настоя́щаго дне́ и часа́ согреши́хом,  
да тво́ими моли́твами получи́вше благода́ть и ве́лию  
ми́лость, просла́вим в Тро́ице Еди́наго Бо́га, Отца́ и Сы́на и  
Свята́го Ду́ха, ны́не и прѣсно и во ве́ки веко́в. Ами́нь.